

**CENTRALNA BANKA
BOSNE I HERCEGOVINE**
Broj: 150-07-1-1976-5/18
Sarajevo, 05.09.2018. godine

**POZIV ZA DOSTAVLJANJE PONUDA ZA NABAVKU USLUGA –
IZRADA NOVČANICA KM**

PRVA FAZA – FAZA PRETKVALIFIKACIJE

ANEKS II DIO B ZAKONA O JAVNIM NABAVKAMA

I) OPĆI PODACI O POSTUPKU NABAVKE

1. Podaci o ugovornom organu

Ugovorni organ: Centralna banka Bosne i Hercegovine
Adresa: Maršala Tita 25, 71 000 Sarajevo, Bosna i Hercegovina
Identifikacijski broj: 4200693920055
Telefon: +387 33 278 192
E-mail: banknotes2018@cbbh.ba
Web stranica: www.cbbh.ba

2. Podaci o osobi zaduženoj za komunikaciju (kontakt osoba, broj telefona i adresa e-pošte)

Sva komunikacija sa ponuđačima obavlja se **pisanim putem (preporučena pošta ili e-mail) na način da se upiti, zahtjevi za pojašnjenja dokumentacije i sl. dostavljaju na adresu Centralne banke Bosne i Hercegovine – Maršala Tita 25, 71 000 Sarajevo ili e-mail: banknotes2018@cbbh.ba.**

3. Podaci o postupku javne nabavke

Postupak javne nabavke odobren je i pokrenut odlukom Upravnog vijeća Centralne banke Bosne i Hercegovine broj: UV-150-01-1-60/18 ŽB od 26.07.2018. godine. Radi se o postupku za dodjelu ugovora za nabavku usluga izrade KM novčanica na koje se primjenjuje poseban režim u skladu sa članom 8. stav (1) i (2) Zakona o javnim nabavkama. Postupak dodjele ugovora vrši se u skladu sa odredbama Pravilnika o postupku dodjele ugovora o uslugama iz Aneksa II dio B Zakona o javnim nabavkama (Službeni glasnik BiH broj: 66/16). Postupak se provodi u dvije faze: faza pretkvalifikacije i faza dostavljanja početnih ponuda i pregovaranja. Faza pretkvalifikacije se provodi s ciljem potvrđivanja da su ponuđači kompetentni, pouzdani i sposobni za izvršenje ugovora, uzimajući u obzir sposobnost za obavljanje profesionalne djelatnosti i tehničku i profesionalnu sposobnost. Ugovorni organ nakon toga vrši odabir ponuđača koji su zadovoljili uslove prve faze postupka. Samo oni ponuđači koji ispune uslove iz prve faze postupka biće pozvani da učestvuju u drugoj fazi i da dostave svoje početne ponude.

4. Pojašnjenje i ispravka i/ili izmjena Poziva za dostavljanje ponuda, traženje pojašnjenja

Ugovorni organ može u svako doba, a najkasnije 10 dana prije isteka roka za predaju dokumentacije u prvoj fazi postupka, odnosno isteka roka za predaju ponuda u drugoj fazi postupka nabavke, iz opravdanih razloga, bilo na vlastitu inicijativu, bilo kao odgovor na zahtjev privrednog subjekta za pojašnjenje, bilo prema nalogu Ureda za razmatranje žalbi BiH, izmijeniti Poziv za dostavljanje ponuda. Izmjene i dopune Poziva vrše se na način da ugovorni organ objavljuje izmjene Poziva za prvu fazu postupka na svojoj web stranici, odnosno u drugoj fazi postupka nabavke dostavlja izmjene Poziva za dostavljanje ponuda kvalificiranim ponuđačima preporučenom poštom.

U slučaju da je izmjena Poziva takve prirode da će priprema dokumentacije ili ponude zahtijevati dodatno vrijeme, ugovorni organ je dužan produžiti rok za prijem dokumentacije ili ponuda, primjereno nastalim izmjenama, ali ne kraći od 7 dana.

Postavljanje zahtjeva za pojašnjenje Poziva za dostavljanje ponuda i odgovora s pojašnjenjem može se izvršiti samo u pisanoj formi zahtjevom koji se dostavlja ugovornom organu putem e-maila ili preporučene pošte, u skladu sa tačkom 2. Poziva. Zahtjev za pojašnjenje se može tražiti najkasnije 10 dana prije isteka roka za prijem dokumentacije u prvoj fazi, odnosno ponuda u drugoj fazi postupka nabavke. Ugovorni organ je dužan u roku od 3 dana, a najkasnije 5 dana prije isteka roka za predaju dokumentacije u prvoj fazi, odnosno podnošenje ponuda u drugoj fazi, dostaviti pojašnjenje svim učesnicima u postupku nabavke.

5. Opis predmeta nabavke i tehnička specifikacija

Predmet ovog postupka je nabavka usluga – **izrada novčanica konvertibilne marke** (dalje u tekstu KM) u apoenima od 10, 20, 50 i 100 KM, u skladu sa uslovima i zahtjevima postavljenim u ovom pozivu, na osnovu stvarnih potreba ugovornog organa.

Vrsta postupka: postupak nabavke usluga iz Aneksa II dio B

Procijenjena vrijednost nabavke: 10 773 279,00 KM

Oznaka i naziv iz jedinstvenog rječnika javnih nabavki: 22430000-3 – Banknote

Novčanice KM se izrađuju u dvije verzije: verzija dizajna za Federaciju Bosne i Hercegovine (u daljnjem tekstu: Verzija FBiH) i verzija dizajna za Republiku Srpsku (u daljnjem tekstu: Verzija RS).

Količine novčanica koje su predmet nabavke po apoenima i verzijama:

Apoen **10 KM** u ukupnoj količini od **10.000.000** novčanica, od čega 6.700.000 novčanica verzije FBiH i 3.300.000 novčanica verzije RS;

Apoen **20 KM** u ukupnoj količini od **20.000.000** novčanica, od čega 13.300.000 novčanica verzije FBiH i 6.700.000 novčanica verzije RS;

Apoen **50 KM** u ukupnoj količini od **20.000.000** novčanica, od čega 13.300.000 novčanica verzije FBiH i 6.700.000 novčanica verzije RS;

Apoen **100 KM** u ukupnoj količini od **25.000.000** novčanica, od čega 16.700.000 novčanica verzije FBiH i 8.300.000 novčanica verzije RS.

Novčanice KM koje su predmet nabavke, trebaju imati identične tehničke karakteristike, dizajn i zaštitna obilježja kao novčanice KM izdanja 2012. i 2017. godine, izuzev slijedećih karakteristika:

1) Apoen 10 KM:

1.1. Kao godina izdanja na licu novčanice, ispod potpisa Guvernera, umjesto teksta „**2017**“ treba biti štampano „**2019**“, i

1.2. Na naličju novčanice verzije FBiH umjesto teksta „**STEĆAK RADIMLJA fragment**“, štampati tekst „**STEĆAK KRIŽEVIĆI fragment**“.

2) Apoen 20 KM:

2.1. Kao godina izdanja na licu novčanice, ispod potpisa Guvernera, umjesto teksta „**2012**“ treba biti štampano „**2019**“, i

2.2. Potpis Guvernera (bit će štampan faksimil potpisa dr Senada Softića, guvernera Centralne banke Bosne i Hercegovine).

3) Apoeni 50 KM i 100 KM:

3.1. Kao godina izdanja na licu novčanice, ispod potpisa Guvernera, umjesto teksta „2017“ treba biti štampano „2019“.

Centralna banka će odabranom dobavljaču, na njegov zahtjev, ustupiti alate koji su korišteni prilikom izrade prethodnog izdanja novčanica KM sa kojima raspolaže (apoeni 10, 50 i 100 KM 2017. godina, a za apoen 20 KM iz 2012. godina, iz razloga što se ovaj apoen nije izrađivao 2017. godine).

Tehnička specifikacija novčanica KM će biti dostavljena ponuđačima u drugoj fazi postupka – fazi dostavljanja početnih ponuda i pregovaranja, i to samo onim ponuđačima koji zadovoljavaju kvalifikacijske uslove definisane u prvoj fazi postupka. Tehnička specifikacija novčanica KM, kao i svi drugi dokumenti, informacije, podaci ili saznanja vezana za proces izrade KM novčanica su povjerljivog karaktera. Svi učesnici u postupku nabavke dužni su potpisati izjavu o prihvatanju povjerljivosti (Prilog VI), i dostaviti je uz ostalu kvalifikacionu dokumentaciju za prvu fazu postupka nabavke.

Tehničku specifikaciju novčanica KM kvalifikovani ponuđači dobit će zajedno sa pozivom za dostavu početnih ponuda u drugoj fazi, koji će im se dostaviti poštom preporučeno na njihovu adresu, kao povjerljiv dokument.

Prilog Tehničkoj specifikaciji novčanica KM koja se dostavlja kvalifikovanim ponuđačima u drugoj fazi su specimeni novčanica KM izdanja 2017. godine, u apoenima 10, 50 i 100 KM, verzije FBiH i verzije RS, kao i specimeni novčanica KM u apoenima 20 KM izdanja 2012. godine, verzije FBiH i verzije RS. Ugovorni organ vodi evidenciju o specimenima novčanica koji će se dostaviti u prilogu Tehničke specifikacije novčanica KM. Ponuđači su dužni primljene specimene novčanica KM čuvati na siguran način, i u slučaju poziva ugovornog organa izvršiti povrat specimena novčanica.

Odabrani dobavljač će pored navedenih količina novčanica u apoenima 10, 20, 50 i 100 KM, Centralnoj banci izraditi i prilikom prve isporuke novčanica isporučiti i ukupno 8.000 specimena novčanica od čega je:

2.000 komada specimena novčanica apoena **100 KM:**

- 1.000 komada verzije FBiH
- 1.000 komada verzije RS

2.000 komada specimena novčanica apoena **50 KM:**

- 1.000 komada verzije FBiH,
- 1.000 komada verzije RS

2.000 komada specimena novčanica apoena **20 KM:**

- 1.000 komada verzije FBiH
- 1.000 komada verzije RS.

2.000 komada specimena novčanica apoena **10 KM:**

- 1.000 komada verzije FBiH
- 1.000 komada verzije RS.

Specimeni novčanica apoena 10, 20, 50 i 100 KM verzije FBiH i verzije RS će biti numerisani crvenom bojom od broja 0001 do broja 1000, a na sredini lica i naličja će biti ispisana riječ "SPECIMEN" (sve identično kao na specimenima izdanja 2012. i 2017. godine koji se dostavljaju kao uzorak za izradu novčanica nove serije

6. Period na koji se zaključuje ugovor

Ugovor za nabavku usluga izrade novčanica KM zaključuje se za sukcesivnu isporuku novčanica prema sljedećoj dinamici i rokovima isporuke:

Prva isporuka u roku od najkasnije 7 mjeseci od stupanja na snagu dodijeljenog ugovora za izradu novčanica KM.

Druga isporuka u roku od 12 mjeseci od stupanja na snagu dodijeljenog ugovora za izradu novčanica KM.

Treća isporuka u roku od 18 mjeseci od stupanja na snagu dodijeljenog ugovora za izradu novčanica KM.

Količine po isporukama:

Prva isporuka (u komadima):

APOEN KM	UKUPNA KOLIČINA	VERZIJA FBiH	VERZIJA RS
10 KM	6.000.000	4.000.000	2.000.000
20 KM	9.000.000	6.000.000	3.000.000
50 KM	6.000.000	4.000.000	2.000.000
100 KM	6.000.000	4.000.000	2.000.000

Prilikom prve isporuke novčanica potrebno isporučiti i ukupno 8.000 specimena novčanica KM.

Druga isporuka (u komadima):

APOEN KM	UKUPNA KOLIČINA	VERZIJA FBiH	VERZIJA RS
10 KM	4.000.000	2.700.000	1.300.000
20 KM	6.000.000	4.000.000	2.000.000
50 KM	6.000.000	4.000.000	2.000.000
100 KM	9.000.000	6.000.000	3.000.000

Treća isporuka (u komadima):

APOEN KM	UKUPNA KOLIČINA	VERZIJA FBiH	VERZIJA RS
20 KM	5.000.000	3.300.000	1.700.000
50 KM	8.000.000	5.300.000	2.700.000
100 KM	10.000.000	6.700.000	3.300.000

Odabrani dobavljač je dužan obavijestiti Centralnu banku o datumu isporuke pisanim putem najmanje četrnaest (14) kalendarskih dana prije planirane isporuke.

Na zahtjev Centralne banke druga i treća isporuka mogu biti odgođene i besplatno skladištene u samoj štampariji na period do dvije godine po isteku roka za isporuku utvrđenog ovim Pozivom za dostavljanje ponuda. U ovom slučaju dobavljač pisanim putem potvrđuje da su novčanice proizvedene i uskladištene na siguran način, a u pogledu rokova za drugu i treću isporuku smatraće se da je dobavljač izvršio ugovorne obaveze.

7. Mjesto isporuke

Sve tri isporuke se trebaju obaviti avio transportom na mjesto isporuke:
CIP Međunarodni aerodrom Sarajevo
Kurta Schorka 36
Sarajevo, Bosna i Hercegovina

Centralna banka će o svom trošku i riziku organizovati transport od mjesta isporuke do trezora Centralne banke.

U slučaju da usljed više sile ili drugih objektivnih razloga koji se ne mogu dovesti u vezu sa Centralnom bankom ili dobavljačem, isporuku nije moguće organizovati avio transportom, ugovorne strane dogovoriće alternativni način transporta (cestovnim putem-CIP Centralna banka Bosne i Hercegovine, Maršala Tita 25, 71 000 Sarajevo). U tom slučaju Centralna banka će obezbijediti sigurnosnu pratnju transporta od granice Bosne i Hercegovine do Centralne banke.

8. Kriterij za dodjelu ugovora

Kriterij za dodjelu ugovora je **najniža cijena**. Sve cijene ponude su CIP cijene (kako je definisano važećim Incoterms uslovima) na mjesto isporuke kako je definisano tačkom 7. ovog poziva..

9. Trošak pripreme ponude i preuzimanja Poziva za dostavljanje ponuda

Trošak pripreme dokumentacije i podnošenja ponude u cjelini snosi ponuđač. Poziv za dostavljanje ponuda za prvu fazu postupka se objavljuje na web stranici ugovornog organa i upućuje na tri adrese, te se isključivo preuzima besplatno preko web stranice uz dostavljanje informacije ugovornom organu da je Poziv za dostavljanje ponuda preuzet. Informacija se dostavlja ugovornom organu pisanim putem (e-mail ili preporučenom poštom – tačka 2. Poziva), kako bi ugovorni organ u svakom momentu bio upoznat sa identitetom učesnika u postupku nabavke i ispoštovao princip ravnopravnosti i jednakog tretmana prema svim zainteresovanim ponuđačima (radi dostavljanja svih informacija i eventualnih pojašnjenja u vezi za postupkom nabavke svim učesnicima u postupku). **Ukoliko ponuđači koji su preuzeli Poziv ne dostave informaciju o preuzimanju dokumentacije ugovornom organu na jedan od navedenih načina, ugovorni organ neće snositi odgovornost za neinformisanost takvog ponuđača o toku i podacima u vezi sa postupkom nabavke.**

10. Način i uslovi plaćanja

Nije dozvoljeno avansno plaćanje.

Centralna banka će nakon uspješno izvršene isporuke KM novčanica (kvantitativno i kvalitativno) u skladu sa ugovorom, izvršiti plaćanje na sljedeći način:

- 85% ugovorene vrijednosti, u roku od trideset (30) kalendarskih dana računajući od dana prijema odgovarajuće pojedinačne fakture za količine isporučenih novčanica po svakoj isporuci.
- 15% od ukupne vrijednosti ugovora, ugovorni organ zadržava i neće platiti do konačne uspješne realizacije ugovora, koja podrazumijeva kvantitativnu i kvalitativnu isporuku cjelokupne ugovorene količine i garantni period, i ovaj iznos će se platiti u roku od 15

dana od dana proteka garantnog perioda koji je ugovoren, samo u slučaju uspješne realizacije ugovora i izvršenja eventualnih obaveza iz garantnog perioda u smislu ovog Poziva za dostavljanje ponuda.

11. Podugovaranje i dostavljanje ponude od strane grupe ponuđača

a) Podugovaranje

U slučaju da ponuđač namjerava angažovati podugovarače, on obavezno mora, uz dokumentaciju za prvu fazu postupka nabavke, dostaviti **izjavu o navodima koji dio ugovora namjerava prenijeti na treće lice/a**. U navedenoj izjavi ponuđač ne mora identifikovati podugovarača.

Ponuđač kojem je dodijeljen ugovor neće sklopiti podugovor ni o jednom bitnom dijelu ugovora bez prethodnog pismenog odobrenja ugovornog organa.

Elementi ugovora koji se podugovaraju i identitet podugovarača obavezno se saopćavaju ugovornom organu blagovremeno, prije sklapanja podugovora.

Ugovorni organ će obavezno provjeriti kvalifikacije podugovarača u skladu sa članom 44. Zakona o javnim nabavkama po svim uslovima koje mora ispuniti i glavni dobavljač u skladu sa Pozivom i obavijestiti dobavljača o svojoj odluci najkasnije u roku od 15 dana od dana prijema obavještenja i dokaza o ispunjenju svih uslova od strane podugovarača. U slučaju odbijanja podugovarača, ugovorni organ dužan je navesti objektivne razloge odbijanja.

Ukoliko u ponudi nije identifikovan podugovarač, odabrani dobavljač je dužan, prije nego uvede podugovarača u posao, obratiti se pismeno ugovornom organu za saglasnost za uvođenje podugovarača, sa svim podacima vezano za podugovarača i dostaviti dokaze o ispunjenju svih uslova za podugovarača koji su zahtijevani Pozivom i za glavnog dobavljača.

Ugovorni organ ukoliko odbije dati saglasnost za uvođenje podugovarača za koje je odabrani dobavljač dostavio zahtjev, dužan je pismeno obrazložiti razloge zbog kojih nije dao saglasnost (npr. po prijemu zahtjeva ugovorni organ je uradio određene provjere i utvrdio da podugovarač ne ispunjava jedan ili više uslova u pogledu lične sposobnosti ili tehničke i profesionalne sposobnosti). Negativni odgovor ugovornog organa na prijedlog podugovarača, ne daje pravo dobavljaču na produženje bilo kojih rokova odnosno ugovorenu dinamiku izvršenja ugovora.

U slučaju podugovaranja, odgovornost za uredno izvršavanje ugovora snosi odabrani dobavljač.

U slučaju podugovaranja, i ponuđač i podugovarač samostalno svaki za sebe moraju ispuniti sve kvalifikacijske uslove za učešće u postupku nabavke koji su definisani u Pozivu (tehničku i profesionalnu sposobnost).

b) Grupa ponuđača

U slučaju da ponudu dostavlja grupa ponuđača, ispunjenje uslova u pogledu tehničke i profesionalne sposobnosti posmatra se **kumulativno za grupu (članovi grupe ponuđača zajedničkim kvalifikacijama dokazuju ispunjenje tehničke i profesionalne sposobnosti dostavljanjem traženih dokaza).**

Grupa ponuđača uz ponudu obavezno mora dostaviti **dokaz o formiranju grupe** ponuđača sa naznakom koji od pravnih lica je nosilac grupe (međusobni ugovor odnosno sporazum potpisan između članova grupe ponuđača sa jasno naznačenim nosiocem grupe, članovima i međusobnim pravima i obavezama). Ponuđač koji je samostalno podnio svoju ponudu ne može biti član grupe ponuđača u istom postupku javne nabavke. Član grupe ponuđača ne može biti član druge grupe ponuđača. Grupa ponuđača solidarno odgovara za svoje obaveze.

12. Monitoring procesa proizvodnje

Centralna banka vrši kontinuirani monitoring pojedinačnih faza pripreme i proizvodnje novčanica KM u cilju ispunjavanja zahtjeva Centralne banke i uslova definisanih ovim Pozivom i ugovorom o izradi KM novčanica.

Prije početka proizvodnje papira za novčanice KM, odabrani dobavljač Centralnoj banci na kontrolu i odobravanje izgleda, dostavlja uzorak: vodenog znaka za svaki apoen, zaštitne niti za svaki apoen i fluorescentnih vlakana (u papiru).

Proizvodnju papira za novčanice KM direktno na licu mjesta prate ovlašteni predstavnici Centralne banke, na način da u laboratoriji kontrolišu ugovorom definisanu tehničku specifikaciju papira, te da li isti sadrži sve predviđene zaštitne elemente i ukoliko je ugradnja zaštitnih elemenata obavljena na uredan način, pokreće se cjelokupna proizvodnja papira.

U slučaju da se prilikom kontrole proizvodnje utvrdi da papir nije u skladu sa zahtjevima Centralne banke i zaključenim ugovorom, odabrani dobavljač je dužan otkloniti sve nedostatke u najkraćem mogućem roku.

Odabrani dobavljač može započeti proces štampanja novčanica KM samo po odobravanju početnih otisaka.

Odabrani dobavljač dostavlja Centralnoj banci početni otisak za svaki apoen i verziju novčanica KM, koji je štampan na običnom papiru

U slučaju da uzorci nisu u skladu sa zahtjevima Centralne banke i zaključenim ugovorom, odabrani dobavljač je dužan otkloniti sve nedostatke u najkraćem mogućem roku.

Svi uzorci se dostavljaju u dva primjerka, od čega jedan primjerak zadržava Centralna banka, a drugi se uz odobrenje guvernera dostavlja odabranom dobavljaču.

Odštampane novčanice KM po pitanju štampe ne smiju se razlikovati od početnih otisaka.

Ovlašteni predstavnici Centralne banke prisustvuju jednoj ili više utvrđenih faza procesa štampanja novčanica KM kako bi izvršili uvid u proces štampe.

U slučaju da se prilikom kontrole utvrdi da se štampa na novčanicama razlikuje od početnog otiska, odnosno da nije u skladu sa zahtjevima Centralne banke i zaključenim ugovorom, odabrani dobavljač je dužan otkloniti sve nedostatke u najkraćem mogućem roku.

Ovlašteni predstavnici Centralne banke mogu, na svoj zahtjev, prisustvovati i drugim fazama izrade novčanica KM (proces rezanja i pakovanja u paketiće, svežnjeve i kutije, i slično), o čemu će odabrani dobavljač biti obavješten.

Odabrani dobavljač je dužan najmanje petnaest (15) dana prije početka izrade papira i štampanja novčanica KM obavijestiti Centralnu banku radi organizovanja blagovremenog dolaska ovlaštenih predstavnika Centralne banke.

Centralna banka snosi putne troškove (troškove avio prevoza i smještaja) za ovlaštene predstavnike koji vrše monitoring.

Odabrani dobavljač je dužan, nakon što je proces izrade i isporuke novčanica KM u potpunosti okončan, dostaviti Centralnoj banci podatke i informacije vezane za materijale za proizvodnju novčanica KM.

Svi alati proizvedeni za potrebe izrade KM novčanica (izrada papira i štampanje), koji se više ne mogu koristiti za buduću proizvodnju novčanica KM, kao i viškovi papira, novčanice sa proizvodnom greškom i drugi otpad nastao u procesu proizvodnje, se uništavaju direktno u fabrici papira i štampariji, uz prisustvo predstavnika Centralne banke i sačinjavanje zapisnika o izvršenom uništavanju.

Alati koji su ustupljeni odabranom dobavljaču od strane Centralne banke, kao i alati koje odabrani dobavljač izradi u cilju proizvodnje novčanica KM, a koji se mogu koristiti za buduću proizvodnju, povlače se u Centralnu banku na trošak odabranog dobavljača, na način i u vrijeme kako to odredi Centralna banka.

13. Autorska i srodna prava

Dizajn novčanica KM je isključivo vlasništvo Centralne banke i ista ga može koristiti na način kako ona želi i smatra pogodnim i korisnim. Odabrani dobavljač nema nikakva prava po osnovu dizajna i Centralna banka raspolaže svim imovinskim i intelektualnim pravima.

Ploče za štampanje novčanica, filmovi, kalupi i drugi originalni materijali za izradu novčanica KM (radni materijali) koje odabrani dobavljač izradi u cilju proizvodnje, predstavljaju isključivo vlasništvo Centralne banke.

Centralna banka raspolaže svim imovinskim i intelektualnim pravima po osnovu radnih materijala, bez obaveze na bilo kakvu naknadu po tom osnovu odabranom dobavljaču i u tom smislu ima pravo upotrebe radnih materijala za potrebe budućih štampanja novčanica KM, kao i pravo ustupanja trećoj strani radi štampanja novčanica KM.

14. Kontrola isporučenih novčanica KM

Centralna banka ne prihvata da vrši adaptacije softvera mašina za obradu novca o svom trošku, jer novčanice koje su predmet ove nabavke moraju imati identične tehničke karakteristike, dizajn i zaštitna obilježja kao novčanice KM izdanja 2012 i 2017, izuzev karakteristika opisanih u tački 5. ovog Poziva za dostavljanje ponuda, te u tom smislu novčanice koje se isporuče **ne smiju imati nikakva odstupanja i razlike u pogledu mašinske čitljivosti, i bez adaptacija softvera trebaju biti spremne za puštanje u opticaj i upotrebu u gotovinskim transakcijama.**

Centralna banka će od dostavljene količine novčanica kod svake isporuke, kontrolisati određenu količinu novčanica (metodom slučajnog uzorka, po isporuci: 20.000 komada svakog apoena i svake verzije, ukupno 160.000 komada po isporuci) na BPS sitemima, koji su u vlasništvu Centralne banke, a koji imaju instaliran softver za obradu novčanica koje imaju identične tehničke karakteristike kao i novčanice koje su predmet ove nabavke. Kontrola će biti izvršena u roku od deset (10) dana od dana isporuke novčanica.

Ukoliko se tokom navedenih kontrola novčanica po isporukama, utvrdi da je kod jednog ili više apoena ili verzija, procenat odbačenih novčanica veći od 3 % od ukupnog uzorka tog apoena ili verzije novčanica (samo se računaju odbačene novčanice po osnovu autentičnosti), Centralna banka će smatrati da izabrani dobavljač nije izvršio odredbe ugovora koje se odnose na zahtijevane tehničke karakteristike KM novčanica (identične tehničke karakteristike novčanica kao kod izdanja 2012 i 2017) u dijelu koji se odnosi na apoene ili na verzije kod kojih je procenat odbačenih novčanica veći od utvrđenog.

U tom slučaju Centralna banka može iskoristiti svoje pravo da aktivira garanciju za dobro izvršenje ugovora, bez prava prigovora odabranog dobavljača.

Kontroli novčanica na BPS sistemima može prisustvovati ovlašteno lice odabranog dobavljača, a u cilju dokazivanja ispravnosti mašine naknadno se mogu testirati i necirkulisane novčanice izdanja 2012 i 2017.

Kontrola isporučenih novčanica u skladu sa naprijed navedenim zahtjevima odnosi se na svaku isporuku.

Centralna banka zadržava pravo angažmana subjekta koji će na nezavisan način izvršiti dodatne kontrole usklađenosti novčanica iz 2012. i 2017. godine i onih koje se štampaju u skladu sa ovim ugovorom.

15. Zahtjevi u pogledu kvalitete isporučenih novčanica

Odabrani dobavljač je dužan garantovati za kvalitet isporučenih novčanica.

Garantni period počinje teći od datuma stupanja na snagu ugovora o izradi novčanica KM, i prestaje 6 mjeseci nakon isteka roka za treću isporuku, kako je definisano tačkom 6. Poziva (ukupno 24 mjeseca od datuma stupanja na snagu ugovora).

Centralna banka zadržava pravo da zatraži produženje garantnog roka, u slučaju aktiviranja zahtjeva za odgodu druge i treće isporuke uz besplatno skladištenje, za period za koji se odgađaju isporuke.

Pod **dobrim izvršenjem ugovora** podrazumijeva se isporuka koja je zadovoljila zahtjeve kontrole isporučenih novčanica iz tačke 14. ovog Poziva, i koja odgovara zahtjevima ugovornog organa u pogledu ugovorene količine.

U slučaju da se u toku trajanja garantnog perioda pokažu nedostaci na novčanicama, uzrokovani propustima u procesu proizvodnje, a koji ranije iz objektivnih razloga nisu mogli biti uočeni, i to naročito: problemi sa kvalitetom i trajnošću papira, štamparskih boja i zaštitnih obilježja, odabrani dobavljač biće dužan o svom trošku izvršiti zamjenu isporučenih novčanica ponovnim štampanjem i isporukom cjelokupne ugovorene količine toga/tih apoena ili verzije/verzija kod kojeg/kjih je uočen nedostatak. Rok za isporuku zamjenskih novčanica ne može biti duži od četiri mjeseca, računajući od dana prijave reklamacije pisanim putem sa svim obrazloženjima u pogledu otkrivenih nedostataka na novčanicama.

Zamjenske novčanice koje se isporuče nakon reklamacije proći će isti proces kontrole, i za njih važe isti uslovi u pogledu garantnog roka i kvaliteta u skladu sa [ovim Pozivom](#).

U slučaju da dođe do reklamacije na kvalitet, Centralna banka može iskoristiti svoje pravo da aktivira garanciju za dobro izvršenje ugovora, i zadrži 15% od ukupne vrijednosti ugovora, do njegovog ispunjenja u cjelosti. Ukoliko odabrani dobavljač ne izvrši svoje obaveze u garantnom periodu u pogledu otklanjanja nedostataka na novčanicama, Centralna banka neće izvršiti plaćanje zadržanog dijela ugovorene cijene u skladu sa tačkom 10. [Poziva](#).

Uslovi u pogledu kvaliteta novčanica i postupanja u slučaju reklamacije biće preciznije definisani u nacrtu ugovora.

II) FAZE POSTUPKA NABAVKE

PRVA FAZA – FAZA PRETKVALIFIKACIJE I DOSTAVA DOKUMENTACIJE U PRVOJ FAZI POSTUPKA

16. Uslovi za kvalifikaciju (čl. 46; 48. i 50. ZJN) u svrhu dokazivanja sposobnosti ponuđača i dokazi koji se traže

- 1) Ponuđač je dužan u svrhu dokazivanja sposobnosti obavljanja profesionalne djelatnosti (čl. 46. ZJN) dokazati da je registrovan za obavljanje profesionalne djelatnosti – pružanje usluga izrade i štampanja novčanica, što je predmet ovog postupka nabavke.

U tom smislu kao dokaz će se u obzir uzeti:

- rješenje o upisu u sudski ili drugi registar, izvod iz sudskog ili drugog registra ili drugi odgovarajući ekvivalentni dokument koji odgovara zahtjevu iz člana 46. Zakona, a koji je izdat od nadležnog organa, sve prema važećim propisima zemlje sjedišta ponuđača/zemlje u kojoj je registriran ponuđač, a iz kojeg se može nedvojbeno utvrditi da je ponuđač registrovan za obavljanje predmetne djelatnosti.

U slučaju da se u dokumentaciji za prvu fazu postupka ne dostave navedeni dokumenti u vezi sposobnosti obavljanja profesionalne djelatnosti ponuđača (član 46. Zakona), ili se ne dostave na način kako je naprijed traženo, ponuđač će biti isključen iz daljeg učešća zbog neispunjavanja navedenog uslova za kvalifikaciju.

- 2) U pogledu tehničke i profesionalne sposobnosti (čl. 48 i 50. ZJN), ponuđači su dužni ispuniti sljedeće uslove:
 - a) Da imaju uspješno iskustvo u realizaciji jednog ili više ugovora za štampanje Euro novčanica u posljednje tri godine, računajući od roka za predaju dokumentacije u prvoj fazi postupka, ukupne minimalne vrijednosti realizovanih ugovora najmanje **10.000.000 KM (iskazano u protuvrijednosti eura 5.112.918,81 EUR) i minimalne količine 75 miliona komada Euro novčanica;**
 - b) Da je štamparija u kojoj će se izrađivati novčanice KM akreditirana za izradu Euro novčanica od strane Evropske centralne banke, u postupku za akreditaciju proizvođača zaštićenih elemenata eura i elemenata eura, te da je akreditacija zavedena u Registru akreditacija Evropske centralne banke;
 - c) Da će papir za novčanice KM biti proizveden kod proizvođača papira (vlastita fabrika za proizvodnju papira ili ugovor sa drugim pravnim licem) koji je akreditiran za izradu papira za Euro novčanice od strane Evropske centralne banke, u postupku za akreditaciju proizvođača zaštićenih elemenata eura i elemenata eura, te da je akreditacija zavedena u Registru akreditacija Evropske centralne banke;
 - d) Da će papir za novčanice KM biti proizveden kod proizvođača papira (vlastita fabrika za proizvodnju papira ili ugovor sa drugim pravnim licem) koji ima dokazivo iskustvo u izradi papira sa “MOTION™ zaštitnom niti”, i to na najmanje **četiri** različite novčanice (apena ili valute);

- e) Ponuđač mora prihvatiti postupak kontrole usluge – procesa proizvodnje novčanica, od strane ugovornog organa, a koja se odnosi na monitoring proizvodnog procesa i proizvodnih kapaciteta ponuđača;
- f) Da ispunjava uslove u pogledu tehničke opremljenosti i osposobljenosti, u smislu da ima na raspolaganju laboratorij za kontrolu kvaliteta papira za novčanice i tinte (vlastiti laboratorij ili koristi kapacitete drugih subjekata - ugovor sa akreditiranim laboratorijama koji kontroliraju kvalitetu papira za novčanice i tinte);
- g) Da ima na raspolaganju „Single Note Inspection“ sistem na kojem će biti kontrolisane izrađene novčanice KM;
- h) Ponuđač mora u samoj štampariji posjedovati vlastiti skladišni prostor koji ispunjava sigurnosne zahtjeve Evropske Centralne Banke, i prihvatiti da, na zahtjev Centralne banke za odgodu isporuke, obezbjedi besplatno sigurno skladištenje u istom na period do 24 mjeseca od isteka rokova za drugu i treću isporuku utvrđenih ovim Pozivom.

Napomena: *Navedeni zahtjevi pod a), b) i c) usklađeni su sa odredbama članova 2. i 7. Politike izrade novčanica i kovanog novca konvertibilne marke, koja obavezuje da novčanice konvertibilne marke u pogledu kvaliteta, vijeka trajanja i zaštite od krivotvorenja budu na nivou aktuelnih tehnoloških standarda u zemljama Evropske unije, te da ovlaštena kompanija kojoj se povjeri izrada KM gotovog novca mora imati ovlaštenje ili odobrenje za izradu Euro novčanica kao i odgovarajuće, dokazivo, uspješno iskustvo i reference u izradi Euro novčanica koja je najmanje jednaka konkretnom zahtjevu Centralne banke Bosne i Hercegovine za izradom novčanica KM.*

U svrhu dokazivanja uslova u pogledu tehničke i profesionalne sposobnosti, ponuđač je dužan **dostaviti sljedeće dokumente u prvoj fazi pretkvalifikacije:**

- a) **Spisak izvršenih ugovora** koji za predmet imaju uslugu štampanja Euro novčanica, **uz obavezno dostavljanje potvrda o njihovoj realizaciji** koje daje druga ugovorna strana (naručilac). Potvrde treba obavezno da sadrže sljedeće podatke:
 - Naziv i sjedište ugovornih strana,
 - Predmet ugovora,
 - Vrijednost ugovora i količina štampanih novčanica Euro u komadima,
 - Vrijeme i mjesto izvršenja ugovora,
 - Navod da je ugovor uredno izvršen.

Ukoliko se sve naprijed navedene potvrde, iz objektivnih razloga, ne mogu dobiti od druge ugovorne strane, vrijedi **izjava privrednog subjekta o uredno izvršenim ugovorima, koja se dostavlja uz spisak izvršenih ugovora koji u tom slučaju treba da sadrži sve naprijed navedene podatke (dakle izjava i spisak izvršenih ugovora kao dva odvojena dokumenta).** Dobavljač je u tom slučaju dužan predočiti dokaze o učinjenim pokušajima da obezbijedi potvrde svojih naručilaca (npr. zahtjev za izdavanje potvrde, upit prema korisniku usluge koji je blagovremeno poslan i sl.) **Ugovorni organ u ovom slučaju zadržava pravo provjere svih navoda iz izjave i spiska ponuđača!**

- b) Certifikat o akreditaciji Evropske centralne banke ili odgovarajući dokumenat kojim se dokazuje da je štamparija u kojoj će se izrađivati novčanice KM akreditirana za izradu Euro novčanica od strane Evropske centralne banke.
- c) Izjava ponuđača da će papir za novčanice KM biti proizveden kod proizvođača papira (vlastita fabrika za proizvodnju papira ili ugovor sa drugim pravnim licem), koji je akreditiran za izradu papira za Euro novčanice od strane Evropske centralne banke. - Prilog II
- d) Izjava ponuđača da će papir za novčanice KM biti proizveden kod proizvođača papira (vlastita fabrika za proizvodnju papira ili ugovor sa drugim pravnim licem), koji ima dokazivo iskustvo u izradi papira sa “MOTION™ zaštitnom niti”, i to na najmanje **četiri** različite novčanice (apoena ili valute). - Prilog -III
- e) Izjava ponuđača da prihvata kontrolu usluge - procesa proizvodnje novčanica, od strane ugovornog organa, a koja se odnosi na monitoring proizvodnog procesa i proizvodnih kapaciteta ponuđača - Prilog IV
- f) Izjava ponuđača o tehničkoj opremljenosti i osposobljenosti za izvršenje ugovora - potpisana i ovjerena izjava – podaci o vlastitom laboratoriju ili korištenju kapaciteta drugih subjekata – ugovor sa akreditiranom laboratoriju za kontrolu kvalitete dostavljenog papira za novčanice i tinti, kojim ponuđač raspolaže - Izjavu kreira ponuđač;
- g) Izjava ponuđača da ima na raspolaganju „Single Note Inspection“ sistem na kojem će biti kontrolisane izrađene novčanice KM – Prilog VII
- h) Izjava ponuđača da u samoj štampariji posjeduje vlastiti skladišni prostor koji ispunjava sigurnosne zahtjeve Evropske Centralne Banke, i da prihvata da, na zahtjev Centralne banke za odgodu isporuke, obezbjedi besplatno sigurno skladištenje u istom na period do 24 mjeseca od isteka rokova za drugu i treću isporuku - Prilog VIII

Ugovorni organ može u pisanoj formi tražiti od kandidata da pojasni dokumente koje je dostavio, i to u roku koji odredi ugovorni organ.

Kandidati će odmah biti obaviješteni o odlukama u vezi sa rezultatima kvalifikacija, u svakom slučaju u roku od sedam (7) dana od dana donošenja odluke.

Odabrani kandidati koji ispunjavaju minimalne uslove koje je odredio ugovorni organ će biti pozvani da podnesu ponude. U dokumentaciji za drugu fazu postupka detaljno će se precizirati uslovi za dalje učešće u postupku (rok za podnošenje ponuda, uslovi u pogledu dostavljanja garancije za ozbiljnost ponude, garancije za dobro izvršenje ugovora, monitoring procesa proizvodnje, način pregovora sa ponuđačima, tačan termin za pregovaranje itd).

17. Način pripreme dokumentacije za prvu fazu postupka nabavke

Dokumentaciju za prvu fazu postupka nabavke ponuđač dostavlja na engleskom jeziku. Pri pripremi dokumentacije ponuđač se mora pridržavati zahtjeva i uslova iz ovog poziva. Ponuđač ne smije mijenjati ili nadopunjavati tekst Poziva za dostavljanje ponuda.

18. Način dostavljanja dokumentacije, adresa na koju se dokumentacija dostavlja i krajnji rok za dostavu

Dokumentacija, bez obzira na način dostavljanja (poštom, lično), mora biti zaprimljena u ugovornom organu, na sljedećoj adresi: Centralna banka Bosne i Hercegovine, Maršala Tita 25, 71 000 Sarajevo, najkasnije do **26.09.2018. godine do 12:00 sati**.

Dokumentacija zaprimljena nakon tog vremena je neblagovremena i kao takva, neotvorena će biti vraćena ponuđaču te će takvi ponuđači biti isključeni iz daljeg učešća u postupku nabavke.

Dokumentacija se predaje na protokol ugovornog organa ili putem pošte, na adresu ugovornog organa, u zatvorenoj koverti na kojoj, **na prednjoj strani koverte**, mora biti navedeno:

**DOKUMENTACIJA ZA UČEŠĆE U POSTUPKU NABAVKE USLUGA – IZRADA
NOVČANICA KM ZA POTREBE CENTRALNE BANKE BOSNE I HERCEGOVINE**

„NE OTVARAJ – OTVARA KOMISIJA“

Na zadnjoj strani koverte ponuđač je dužan da navede sljedeće:

Naziv i adresa ponuđača /grupe ponuđača.

Dokumentacija se **čvrsto uvezuje** na način da se onemogući naknadno vađenje ili umetanje listova. Ako je dokumentacija izrađena u dva ili više dijelova, svaki dio se čvrsto uvezuje na način da se onemogući naknadno vađenje ili umetanje listova. Pod čvrstim uvezom podrazumijeva se uvezivanje **jemstvenikom** (notarskim konopcem) ili **knjiški čvrsti uvez sa koricama**. **Neće biti prihvaćena dokumentacija koja bude uvezana spiralnim uvezom ili u običnu plastičnu fasciklu!**

Dokumentacija se obavezno dostavlja u jednom originalu, s tim što original mora biti čvrsto uvezan na prethodno navedeni način.

Stranice dokumentacije se označavaju brojem na način da je vidljiv redni broj stranice. Kada je dokumentacija izrađena od više dijelova, stranice se označavaju na način da svaki slijedeći dio započinje rednim brojem kojim se nastavlja redni broj stranice kojim završava prethodni dio.

Dokumentacija neće biti odbačena ukoliko su listovi numerisani na način da je obezbjeđen kontinuitet numerisanja, te će se smatrati manjim odstupanjem koje ne mijenja, niti se bitno udaljava od karakteristika, uslova i drugih zahtjeva utvrđenih u ovom pozivu.

19. Sadržaj dokumentacije za prvu fazu postupka nabavke

U prvoj fazi postupka nabavke, svi učesnici obavezno dostavljaju sljedeću dokumentaciju:

- Pismena izjava ponuđača iz člana 52. Zakona o javnim nabavkama - Prilog I;
- Zahtijevani dokazi o ispunjenju kvalifikacijskih uslova iz tačke 16. Poziva (uključujući sve potrebne dokumente, Priloge: II, III, IV, VII i VIII, i izjavu koje kreira ponuđač;
- Izjava ponuđača o prihvatanju svih uslova iz Poziva za prvu fazu postupka nabavke (ovjerena od strane ponuđača i potpisana od strane ovlaštenog lica ponuđača) - Prilog V;
- Izjava o prihvatanju povjerljivosti – Prilog VI.

III) INFORMACIJE O DRUGOJ FAZI POSTUPKA – FAZA PODNOŠENJA POČETNIH PONUDA I PREGOVORA

Ponudāči koji ispune uslove iz prve faze postupka - faze pretkvalifikacije biće pozvani da podnesu svoje početne ponude i sa njima će biti obavljani pregovori. Pregovori se obavljaju sa svakim ponudāčem zasebno, bez postupka javnog otvaranja ponuda. U drugoj fazi postupka, svi kvalificirani ponudāči uz početnu ponudu koja se dostavlja na obrascu propisanom od strane Centralne banke BiH, će biti dužni da dostave:

- **Garanciju za ozbiljnost ponude** - Ugovorni organ će zahtijevati od ponudāča dostavljanje garancije za ozbiljnost ponude u drugoj fazi postupka nabavke – faza podnošenja početnih ponuda i pregovora, u iznosu od **150.000,00 KM (slovima: stotinpedesethiljada konvertibilnih maraka), što odgovara iznosu od 1,5% od visine procijenjene vrijednosti nabavke.**
Dozvoljeno je da se iznos garancije za ozbiljnost ponude iskaže u valuti Euro (EUR), s tim da je iznos u eurima na koji garancija glasi ekvivalentan iznosu u konvertibilnim markama prema zakonskom kursu eura prema konvertibilnoj marci od jedna konvertibilna marka za 0,511292 eura odnosno jedan euro iznosi 1,955830 konvertibilnih maraka.
Svi detaljni zahtjevi vezani za garanciju za ozbiljnost ponude biće definisani u dokumentaciji za drugu fazu postupka nabavke.
- **Garanciju za dobro izvršenje ugovora** - Ugovorni organ će tražiti garanciju za izvršenje ugovora. Iznos garancije za izvršenje ugovora je 10% od ukupne vrijednosti ponude (iznos ponude sa uračunatim porezima i svim zavisnim pratećim troškovima).
Dozvoljeno je da se iznos garancije za dobro izvršenje ugovora iskaže u valuti Euro (EUR), s tim da je iznos u eurima na koji garancija glasi ekvivalentan iznosu u konvertibilnim markama prema zakonskom kursu eura prema konvertibilnoj marci od jedna konvertibilna marka za 0,511292 eura, odnosno jedan euro iznosi 1,955830 konvertibilnih maraka.
Svi detaljni zahtjevi vezani za garanciju za dobro izvršenje ugovora biće definisani u dokumentaciji za drugu fazu postupka nabavke.
- **Potpisan i ovjeren nacrt ugovora;**
- **Priloge / izjave koje će biti precizirane u dokumentaciji za drugu fazu postupka nabavke**

Ovaj Poziv za dostavljanje ponuda je sačinjen na lokalnom jeziku i preveden na engleski jezik. U slučaju bilo kakvih razlika ili odstupanja između verzija na lokalnom i engleskom jeziku, mjerodavna će biti verzija na lokalnom jeziku.

PISMENA IZJAVA IZ ČLANA 52. ZAKONA O JAVNIM NABAVKAMA

Ja, niže potpisani _____ (ime i prezime), sa ličnom kartom broj: _____ izdatom od _____, u svojstvu predstavnika privrednog društva ili obrta ili srodne djelatnosti (ponuđača) _____ (navesti položaj, naziv privrednog društva ili obrta ili srodne djelatnosti), ID broj _____, čije sjedište se nalazi u _____ (grad/općina), na adresi _____ (Ulica i broj), kao kandidat/ponuđač u postupku javne nabavke _____ (navesti tačan naziv i vrstu postupka javne nabavke) a kojeg provodi ugovorni organ _____ (navesti tačan naziv ugovornog organa), a u skladu sa članom 52. stav (2) Zakona o javnim nabavkama, **pod punom materijalnom i krivičnom odgovornošću**

IZJAVLJUJEM

1. Nisam ponudio mito ni jednom licu uključenom u proces javne nabavke, u bilo kojoj fazi procesa javne nabavke.
2. Nisam dao, niti obećao dar ili neku drugu povlasticu službenom ili odgovornom licu u ugovornom organu, uključujući i strano službeno lice ili međunarodnog službenika, u cilju obavljanja u okviru službene ovlasti, radnje koje ne bi trebalo da izvrši ili se suzdržava od vršenja djela koje treba izvršiti on ili neko ko posreduje pri takvom podmićivanju službenog ili odgovornog lica.
3. Nisam dao, niti obećao dar ili neku drugu povlasticu službenom ili odgovornom licu u ugovornom organu, uključujući i strano službeno lice ili međunarodnog službenika, u cilju da obavi u okviru svoje službene ovlasti, radnje koje bi trebalo da obavlja ili se suzdržava od obavljanja radnji, koje ne treba izvršiti.
4. Nisam bio uključen u bilo kakve aktivnosti koje za cilj imaju korupciju u javnim nabavkama.
5. Nisam sudjelovao u bilo kakvoj radnji koja je za cilj imala korupciju u toku predmeta postupka javne nabavke.

Davanjem ove izjave, svjestan sam krivične odgovornosti predviđene za krivična djela primanja i davanja mita i krivična djela protiv službene i druge odgovornosti i dužnosti utvrđene u Krivičnim zakonima Bosne i Hercegovine.

Izjavu dao:

Mjesto i datum davanja izjave:

Potpis i pečat nadležnog organa:

M.P.

Izjava ponuđača o akreditiranosti proizvođača papira za izradu novčanica KM

Kao ponuđač u postupku javne nabavke KM novčanica za potrebe Centralne banke Bosne i Hercegovine **pod punom materijalnom i krivičnom odgovornošću**

IZJAVLJUJEMO

da će, u slučaju da naša ponuda bude izabrana kao najpovoljnija, papir za novčanice KM biti proizveden kod proizvođača papira (vlastita fabrika za proizvodnju papira ili ugovor sa drugim pravnim licem) koji je akreditiran za izradu papira za Euro novčanice od strane Evropske centralne banke.

Potpis i pečat ponuđača:

Izjava ponuđača o iskustvu proizvođača papira za izradu novčanica KM

Kao ponuđač u postupku javne nabavke KM novčanica za potrebe Centralne banke Bosne i Hercegovine **pod punom materijalnom i krivičnom odgovornošću**

IZJAVLJUJEMO

da će, u slučaju da naša ponuda bude izabrana kao najpovoljnija, papir za novčanice KM biti proizveden kod proizvođača (vlastita fabrika za proizvodnju papira ili ugovor sa drugim pravnim licem) koji ima dokazivo iskustvo u izradi papira sa "MOTION™ zaštitnom niti", i to na najmanje četiri različite novčanice (apoeni ili valute).

Potpis i pečat ponuđača:

Izjava ponuđača da prihvata kontrolu usluge - procesa proizvodnje novčanica, od strane ugovornog organa, a koja se odnosi na monitoring proizvodnog procesa i proizvodnih kapaciteta ponuđača

Kao ponuđač u postupku javne nabavke KM novčanica za potrebe Centralne banke Bosne i Hercegovine **pod punom materijalnom i krivičnom odgovornošću**

IZJAVLJUJEMO

Da, u slučaju da naša ponuda bude izabrana kao najpovoljnija, prihvatamo kontrolu usluge - procesa proizvodnje novčanica, od strane ugovornog organa, a koja se odnosi na monitoring proizvodnog procesa i proizvodnih kapaciteta ponuđača, u skladu sa Pozivom za dostavljanje ponuda.

Potpis i pečat ponuđača:

Izjava ponuđača o prihvatanju svih uslova iz Poziva za dostavljanje ponuda za prvu fazu postupka nabavke

Kao ponuđač u postupku javne nabavke KM novčanica za potrebe Centralne banke Bosne i Hercegovine **pod punom materijalnom i krivičnom odgovornošću**

IZJAVLJUJEMO

Pregledali smo i prihvaćamo u potpunosti sadržaj **Poziva za dostavljanje ponuda** za prvu fazu postupka nabavke usluga – izrade novčanica KM. Ovom izjavom prihvaćamo njegove odredbe u cijelosti, bez ikakvih rezervi ili ograničenja.

Potpis i pečat ponuđača:

Izjava ponuđača o prihvatanju povjerljivosti

Kao ponuđač u postupku javne nabavke KM novčanica za potrebe Centralne banke Bosne i Hercegovine **pod punom materijalnom i krivičnom odgovornošću**

IZJAVLJUJEMO

Da u svoje ime kao i u ime svih lica koja će biti uključena u postupak javne nabavke, bez obzira na način i oblik njihovog angažmana, prihvatamo povjerljivost svih dokumenata, informacija, podataka ili saznanja vezanih za kompletan proces izrade KM gotovog novca (podaci do kojih dođemo u postupku javne nabavke, podaci o ugovaranju, proces izrade KM gotovog novca, tehnička specifikacija, mikrofilmovi, otisci, kalupi, skladištenje i isporuka) do kojih dođemo tokom postupka nabavke kao i tokom procesa izrade KM gotovog novca, te se ovim putem obavezujemo na njihovo čuvanje u roku od 10 godina od trenutka njihovog saznanja.

Ovim putem garantujemo da sva naprijed navedena lica neće otkrivati odredbe tehničke specifikacije, uslove nabavke, odredbe ugovora i drugih dokumenata kao ni informacije ili podatke do kojih dođu tokom postupka javne nabavke i procesa izrade KM gotovog novca i to za vrijeme trajanja ugovora kao i 10 godina nakon njegovog završetka.

Davanjem ove izjave u potpunosti smo svjesni odgovornosti koju preuzimamo učešćem u ovom postupku javne nabavke, kao i potpisivanjem ugovora o nabavci KM novčanica u slučaju da nam isti bude dodijeljen.

U prilogu ove izjave dostavljamo spisak svih lica koja će biti uključena u postupak javne nabavke i angažovana na izradi KM gotovog novca te se obavezujemo da ćemo prikupiti i čuvati pojedinačne izjave o povjerljivosti svakog lica navedenog na priloženom spisku.

Potpis i pečat ponuđača:

Prilog: Spisak svih lica koja će biti uključena u proces javne nabavke

Prilog VII

Kao ponuđač u postupku javne nabavke KM novčanica za potrebe Centralne banke Bosne i Hercegovine **pod punom materijalnom i krivičnom odgovornošću**

IZJAVLJUJEMO

Da imamo na raspolaganju „Single Note Inspection“ sistem na kojem će biti kontrolirane izrađene novčanice KM

Potpis i pečat ponuđača:

Prilog VIII

Kao ponuđač u postupku javne nabavke KM novčanica za potrebe Centralne banke Bosne i Hercegovine **pod punom materijalnom i krivičnom odgovornošću**

IZJAVLJUJEMO

Da u samoj štampariji posjedujemo vlastiti skladišni prostor koji ispunjava sigurnosne zahtjeve Evropske Centralne Banke i prihvaćamo da, na zahtjev Centralne banke za odgodu isporuke, osiguramo besplatno sigurno skladištenje u istom na period do 24 mjeseca od isteka rokova za drugu i treću isporuku utvrđenih ovim pozivom..

Potpis i pečat ponuđača:
